

Online prijava i upis u srednje škole Kantona Sarajevo

Uputstvo



2021

www.upis.emis.edu.ba



Bosna i Hercegovina
Federacija Bosne i Hercegovine
KANTON SARAJEVO
Ministarstvo za odgoj i obrazovanje



Bosna i Hercegovina
Federacija Bosne i Hercegovine
UNIVERZITET U SARAJEVU
Univerzitetski tele-informatički centar UTIC

UPUTSTVO ZA ONLINE PRIJAVU I UPIS U SREDNJE ŠKOLE KANTONA SARAJEVO

Sarajevo, juni 2021

SADRŽAJ

| | | |
|-----|---|----|
| 1. | Uvodna riječ..... | 4 |
| 2. | Odluka sa kriterijima za prijem učenika u prvi razred srednje škole: | 5 |
| 2.1 | Ko se upisuje u srednju školu? | 5 |
| 2.2 | Šta se boduje za upis u srednju školu? | 5 |
| 2.3 | Koji su predmeti posebno značajni za određenu vrstu srednje škole/struku? | 6 |
| 2.4 | Kako se vrednuje broj bodova po osnovu rezultata tokom školovanja? | 6 |
| 2.5 | Kako se vrednuju rezultati osvojeni na takmičenjima? | 7 |
| 2.6 | Koji je minimalan broj bodova potreban za odabir škole? | 8 |
| 2.7 | Dodatne provjere znanja i sposobnosti kandidata | 8 |
| 2.8 | Koji su dodatni uslovi za upis učenika iz inostranstva? | 10 |
| 3. | Postupci prijave i upisa u srednje škole..... | 11 |
| 3.1 | Javni dio informacionog sistema On-line prijava i upis u srednje škole | 11 |
| 3.2 | Prva prijava na www.upis.emis.edu.ba | 12 |
| 3.3 | Provjera unesenih ocjena i ostalih podataka kandidata u sistemu | 14 |
| 3.4 | Preduslovi za upis..... | 14 |
| 3.5 | Prijava programa obrazovanja | 14 |
| 3.6 | Kontinuirano praćenje bodovnog stanja | 15 |
| 3.7 | Rang liste..... | 15 |
| 3.8 | Zaključavanje liste prioriteta, potpisivanje prijave, objava konačne rang liste | 16 |
| 4. | Naknadni upisni rok..... | 16 |

Uslovi korištenja

Informacije u ovom dokumentu, uključujući URL i ostale internetske website reference su podložne promjenama bez prethodne najave. Korisnici mogu raspolagati sadržajem za ličnu upotrebu, a da pri tome ne krše autorska prava. Cjelokupni rizik od upotrebe ili rezultati primjene ovog dokumenta odgovornost su korisnika.

Nijedan dio ovog dokumenta ne smije se reproducirati, pohranjivati, vršiti promjene ili prenositi u bilo kojem obliku ili bilo kojim sredstvima (elektronski, mehanički, fotokopiranjem, snimanjem ili na drugi način), ili za bilo koju drugu svrhu, bez izričite pisane dozvole Ministarstva za odgoj i obrazovanje Kantona Sarajevo.

Copyright © 2021, Ministarstvo za odgoj i obrazovanje, sva prava su zadržana.



Izdavač

Ministarstvo za odgoj i obrazovanje

Programiranje aplikacije i baze podataka:

Univerzitetski tele-informatički centar UTIC

Produkcija

© 2021. Ministarstvo za odgoj i obrazovanje

1. Uvodna riječ

Dragi budući srednjoškolci,

Završetkom obrazovanja u osnovnoj školi učenici donose veoma važnu odluku o izboru srednje škole koju žele upisati, a time i izbor budućeg zanimanja. Važno je da se na vrijeme informišete o srednjim školama, kako bi ste bili u mogućnosti realno odabrati vašu buduću školu, a u skladu sa vašim postignućima i interesovanjima u prethodnom školovanju.

U uputstvu, koje je pred vama, pronaći ćete najvažnije informacije o postupku prijave i upisa u srednje škole u školskoj 2021/2022. godini koje se provodi online putem preko web stranice: **upis.emis.edu.ba**. U uputstvu ćemo vas informisati o elementima i kriterijima za upis, načinima i postupcima prijave na sistem upisa u srednje škole Kantona Sarajevo. U uputstvu je prikazano sve što online način prijave i upisa u srednje škole pruža, kao što su pregled ličnih podataka, ocjene i dodatna postignuća, te detaljan pregled rang lista sa strukturom bodova na osnovu kojih je izračunat vaš plasman na svakom pojedinom prijavljenom programu obrazovanja. Vrlo je važno kontinuirano pratiti sve informacije koje se objavljuju na internet stranici: upis.emis.edu.ba, a na kojoj će biti objavljeni uslovi i kriteriji vrednovanja upisa u programe obrazovanja, svi postupci vezani uz prijave, kao i ostali ažurirani podaci, važne obavijesti i detaljne upute za rad na sistemu.

Za dodatnu pomoć možete posjetiti internet stranicu <https://upis.emis.edu.ba/#pomoc/podrska> na kojoj se mogu pronaći detaljna video uputstva koja korisnika vode kroz čitav proces online upisa.

MINISTRICA

Naida Hota-Muminović, s.r.

2. Odluka sa kriterijima za prijem učenika u prvi razred srednjih škola Kantona Sarajevo

Izbor kandidata za upis u I razred srednje škole propisan je Odlukom sa kriterijima za prijem učenika u prvi razred srednjih škola Kantona Sarajevo koje donosi Vlada Kantona Sarajevo. Odluka je objavljena na službenoj internet stranici Ministarstva i na internet stranici: upis.emis.edu.ba, a u ovom poglavlju donosimo najvažnije elemente i kriterije iz Odluke.

2.1 Ko se upisuje u srednju školu?

Pravo upisa u prvi razred srednjih škola imaju učenici sa završenom osnovnom školom, koji nisu stariji od 18 godina, odnosno koji do kraja tekuće kalendarske godine ne navršavaju više od 18 godina života.

U prvi razred specijalne srednje škole, odnosno specijalna odjeljenja srednje škole, pravo upisa imaju učenici koji nisu stariji od 20 godina, odnosno učenici koji do kraja tekuće kalendarske godine ne navršavaju više od 20 godina života.

Upis učenika u prvi razred srednjih škola vrši se pod istim uslovima za sve učenike državljane Bosne i Hercegovine, povratnike iz inostranstva, kao i za strane državljane i lica bez državljanstva u skladu sa Zakonom o srednjem obrazovanju.

2.2 Šta se boduje za upis u srednju školu?

Upis učenika u srednje škole vrši se na osnovu sljedećih kriterija:

- ✓ općeg uspjeha kandidata postignutog u VI, VII, VIII i IX razredu osnovne škole;
- ✓ uspjeha iz predmeta značajnih za odabranu školu;
- ✓ ekvivalenta bodova eksterne mature¹;
- ✓ rezultata postignutih na kantonalnim, entitetskim, državnim i na međunarodnim takmičenjima.

¹ Zbog pandemije koronavirusa (COVID-19) u školskoj 2020/2021. godini na osnovu Zaključka Vlade Kantona Sarajevo broj: 02-04-20473-57/21 od 7.5.2021. godine i Instrukcije broj: 11-34-9385-4/20 ekvivalent bodova eksterne mature utvrđuje se na sljedeći način: za svaki nastavni predmet pojedinačno iz kojeg se polaže eksterna matura – Bosanski jezik i književnost, Hrvatski jezik i književnost, Srpski jezik i književnost, Matematika i prvi strani jezik izvršit će se zbrajanje zaključnih ocjena u posljednje 4 godine školovanja (6., 7., 8. i 9. razred) te dobijeni zbir podijeliti sa brojem 2.

2.3 Koji su predmeti posebno značajni za određenu vrstu srednje škole/struku?

Predmeti posebno značajni za određenu vrstu srednje škole/struku utvrđuju se kako slijedi:

| VRSTA SREDNJE ŠKOLE/STRUKA/ZANIMANJE | Predmeti posebno značajni za određenu školu/struku/zanimanje |
|--|--|
| gimnazija, ekonomska škola, trgovačka škola | Bosanski jezik i književnost, Hrvatski jezik i književnost, Srpski jezik i književnost Matematika, strani jezik |
| medicinska, zubotehnička, veterinarska, prehrambena, poljoprivredna, šumarska, kozmetičar, frizer | Bosanski jezik i književnost, Hrvatski jezik i književnost, Srpski jezik i književnost, Hemija, Biologija |
| ugostiteljsko-turistička | Bosanski jezik i književnost, Hrvatski jezik i književnost, Srpski jezik i književnost, Geografija, strani jezik |
| tekstilna, kožarska | Bosanski jezik i književnost, Hrvatski jezik i književnost, Srpski jezik i književnost, Hemija, Fizika |
| škola primijenjenih umjetnosti | Bosanski jezik i književnost, Hrvatski jezik i književnost, Srpski jezik i književnost, Likovna kultura, strani jezik |
| muzička škola | Bosanski jezik i književnost, Hrvatski jezik i književnost, Srpski jezik i književnost, Muzička kultura, strani jezik |
| drvna, šumarska | Bosanski jezik i književnost, Hrvatski jezik i književnost, Srpski jezik i književnost, Matematika, Biologija |
| ostale škole/strukle (mašinska, metalska, elektro, građevinska, geodetska, saobraćajna, grafička) | Bosanski jezik i književnost, Hrvatski jezik i književnost, Srpski jezik i književnost, Matematika, Fizika |

2.4 Kako se vrednuje broj bodova po osnovu rezultata tokom školovanja?

Za kandidate koji konkurišu u srednje škole, broj bodova po osnovu rezultata postignutog tokom školovanja u osnovnoj školi utvrđuje se na sljedeći način:

- a) Opći uspjeh u VI, VII, VIII i IX razredu osnovne škole boduje se sa maksimalno 50 bodova, tako da se zbir prosječnih ocjena svedenih na dvije decimale u VI, VII, VIII i IX razredu osnovne škole pomnoži sa brojem 2,50.
- b) Uspjeh iz predmeta posebno značajnih za odgovarajuću školu boduje se sa maksimalno 20 bodova, tako da se saberu ocjena dobijene u VIII i IX razredu osnovne škole iz tri predmeta posebno značajna za odgovarajuću vrstu srednje škole, te se pomnoži sa brojem 0,67.

- c) ekvivalent bodova eksterne mature².

2.5 Kako se vrednuju rezultati osvojeni na takmičenjima?

Za jedno od osvojenih mjesta na kantonalnom takmičenju učenika osnovnih škola dobije se slijedeći broj bodova:

- za osvojeno prvo mjesto 3 boda,
- za osvojeno drugo mjesto 2 boda i
- za osvojeno treće mjesto 1 bod.

Za jedno od osvojenih mjesta na takmičenju učenika osnovnih škola na nivou entiteta u BiH i države BiH dobije se slijedeći broj bodova:

- za osvojeno prvo mjesto 4 boda,
- za osvojeno drugo mjesto 3 boda i
- za osvojeno treće mjesto 2 boda.

Za jedno od osvojenih mjesta na međunarodnom takmičenju učenika osnovnih škola dobije se slijedeći broj bodova:

- za osvojeno prvo mjesto 5 bodova,
- za osvojeno drugo mjesto 4 boda i
- za osvojeno treće mjesto 3 boda.

Međunarodni nivo podrazumijeva učestvovanje najmanje tri države. Ukupan broj bodova koje učenik dobije po osnovu takmičenja ne može preći 10 bodova.

Pravo na dodatne bodove ostvaruju učenici na osnovu rezultata koji su postigli na takmičenjima u posljednje četiri godine školovanja iz nastavnih predmeta: Bosanski jezik i književnost, Hrvatski jezik i književnost, Srpski jezik i književnost, Prvi strani jezik, Drugi strani jezik, Matematika, Fizika, Informatika, Geografija, Tjelesni i zdravstveni odgoj/Sport individualni-i timski-sportovi. Pravo na dodatne bodove ostvaruju učenici koji su postigli značajne rezultate na takmičenjima u posljednje četiri godine školovanja u individualnim sportovima i u individualnim takmičenjima iz primijenjene i muzičke umjetnosti, a za timske sportove uz dostavljen dokaz o statusu perspektivnog sportiste u skladu sa članom 4. stav (1), tačka f). Pravilnika o kategorizaciji sportista prema ostvarenim rezultatima (Službene novine Kantona Sarajevo", broj: 8/21).

² Zbog pandemije koronavirusa (COVID-19) u školskoj 2020/2021. godini na osnovu Zaključka Vlade Kantona Sarajevo broj: 02-04-20473-57/21 od 7.5.2021. godine i Instrukcije broj: 11-34-9385-4/20 ekvivalent bodova eksterne mature utvrđuje se na sljedeći način: za svaki nastavni predmet pojedinačno iz kojeg se polaže eksterna matura – Bosanski jezik i književnost, Hrvatski jezik i književnost, Srpski jezik i književnost, Matematika i prvi strani jezik izvršit će se zbrajanje zaključnih ocjena u posljednje 4 godine školovanja (6., 7., 8. i 9. razred) te dobijeni zbir podijeliti sa brojem 2.

Bodovi ostvareni na osnovu takmičenja iz st. (1) i (2) ovog člana za osvojeno prvo, drugo i treće mjesto utvrđuje se na način da se vrednuje najbolje ostvaren rezultat po jednoj školskoj godini, od šestog do devetog razreda osnovne škole.

Kandidati koji imaju završenu osnovnu muzičku školu boduju se na slijedeći način:

- završena osnovna muzička škola od prvog do šestog razreda sa odličnim uspjehom 5,0 i primjernim vladanjem - 3 boda,
- završena osnovna muzička škola -1 bod.

Bodovanje se vrši po jednom od dva kriterija iz stava (1) tačka a) i b) ovog člana.

2.6 Koji je minimalan broj bodova potreban za odabir škole?

Za svakog kandidata koji konkuriše za prijem u prvi razred srednje škole utvrđuje se ukupan broj bodova po osnovu rezultata postignutih tokom školovanja, na način objašnjen u sekcijama 2.4 i 2.5.

Za upis u gimnaziju učenik po svim osnovama mora imati minimalno 78 bodova.

Za upis u gimnaziju – sportsko izbornu područje, učenik po svim osnovama mora imati minimalno 78 bodova i to na način da:

- a) po osnovi ukupnog broj bodova postignutih tokom školovanja, rezultata postignutih na ispitima eksterne mature i bodova osvojenih na takmičenjima mora imati minimalno 73 boda,
- b) te ostvariti dodatno minimalnih 5 bodova koji se odnosi na test fizičke sposobnosti.

Za upis u ekonomsku školu i škole zdravstvene struke učenik po svim osnovama mora imati minimalno 71 bod.

Za upis u ostale škole za zanimanja u četverogodišnjem trajanju obrazovanja učenik po svim osnovama mora imati minimalno 63 boda.

Za upis u trogodišnju školu se ne utvrđuje potreban minimalan broj bodova.

2.7 Dodatne provjere znanja i sposobnosti kandidata

Kandidati koji konkurišu u umjetničke škole, odnosno u gimnaziju – sportsko izbornu područje, polažu prijemni ispit, odnosno test fizičke sposobnosti, koji su dužni okončati najkasnije dva dana prije završetka on-line upisa.

ONLINE PRIJAVE I UPISI U SREDNJE ŠKOLE KANTONA SARAJEVO

Mjesto i satnica polaganja prijemnog ispita za kandidate koji konkurišu u umjetničke škole, kao i mjesto i satnica polaganja testa fizičke sposobnosti za kandidate koji konkurišu u gimnaziju-sportsko izbornu područje, objavljuju se na oglasnoj tabli i internet stranici tih škola.

Rezultate prijemnog ispita, odnosno testa fizičke sposobnosti unose srednje škole u kojima se polažu ispiti putem sistema.

Svaki učenik koji izvrši prijavu putem Informacionog sistema za online prijave i upis u srednje škole polaže prijemni ispit. Prijemni ispit je eliminatoran.

U slučaju da kandidat bude ocijenjen sa negativnom ocjenom iz bilo kojeg dijela prijemnog ispita odnosno dijela testa fizičkih sposobnosti, nije položio prijemni ispit.

Program i kriteriji za polaganje prijemnog ispita odnosno testa fizičkih sposobnosti će biti objavljeni na oglasnoj tabli i web stranici škole.

Program polaganja prijemnog ispita u umjetničkoj školi, test fizičke sposobnosti za kandidate koji konkurišu u gimnaziju-sportsko izbornu područje, način ocjenjivanja u smislu eliminatornosti i kriterije vrednovanja rezultata, utvrđuje nastavničko vijeće škole i isti dostavlja Ministarstvu najkasnije sedam dana prije testiranja.

Prijemni ispit, odnosno test fizičkih sposobnosti se polaže pred stručnom komisijom koju imenuje nastavničko vijeće škole za sve vrste zanimanja pojedinačno.

Minimalni sadržaji polaganja prijemnog ispita za Srednju školu primijenjenih umjetnosti su:

- a) crtanje,
- b) slikanje,
- c) modelovanje.

Minimalni sadržaji polaganja prijemnog ispita za Srednju muzičku školu su:

- a) muzičar solista – praktična provjera temeljnog predmeta struke, Solfeggia i Muzičke teorije. Na prijemnom ispitu moguće je ostvariti maksimalno 50 bodova, a minimalno 13 bodova.
- b) muzičar općeg smjera – provjera temeljnog predmeta struke "solfeggia": muzički ritam, memorija, sluh, muzička teorija. Na prijemnom ispitu moguće je ostvariti maksimalno 40 bodova, a minimalno 10 bodova.
- c) baletni odsjek – praktična provjera osnovnih baletnih tehnika. Na prijemnom ispitu moguće je ostvariti maksimalno 40 bodova, a minimalno 10 bodova.

Dodatni uslovi su adekvatna ljeekarska uvjerenja za upisne programe solo pjevanja (otorinolaringolog) i baleta (ortoped).

Minimalni sadržaji test fizičkih sposobnosti u gimnaziju-sportsko izbornu područje su:

- a) skok udalj,
- b) sklek,
- c) košarka,
- d) odbojka,
- e) gimnastika i
- f) plivanje (sportska dvorana i bazen).

2.8 Koji su dodatni uslovi za upis učenika iz inostranstva?

Ako je učenik završio osnovnu školu u inostranstvu i ako nema predmeta u VIII i IX razredu, odnosno u zadnja dva razreda osnovne škole, koji se boduju kao predmeti značajni za struku pri upisu u prvi razred, onda se umjesto ocjena iz tog predmeta uzima prosječna ocjena iz svih predmeta u zadnja dva razreda osnovne škole (aritmetička sredina).

Ako je učenik završio osnovnu školu u inostranstvu ili ako dolazi iz registrovane osnovne škole sa područja Bosne i Hercegovine koja realizira nastavne planove i programe drugih država ili asocijacija država, onda se pri upisu u prvi razred umjesto bodova postignutih na ispitima eksterne mature, u on-line sistem u osnovnoj školi koju odredi Ministarstvo, upisuju bodovi koji se dobiju tako što se u obzir uzima zbir općeg uspjeha u posljednja četiri razreda osnovne škole, koji se pomnoži sa 1,50.

Ekvivalent bodova za eksternu maturu za učenike iz inostranstva utvrđuje se na sljedeći način: za svaki nastavni predmet pojedinačno iz kojeg se polaže eksterna matura – Bosanski jezik i književnost, Hrvatski jezik i književnost i Srpski jezik i književnost, Matematika i prvi strani jezik izvršit će se zbrajanje zaključnih ocjena u posljednje 4 godine školovanja (6., 7., 8. i 9. razred) te dobijeni zbir podijeliti sa brojem 2.

3. Postupci prijave i upisa u srednje škole


Kandidati se za upis u programe obrazovanja prijavljuju preko internet stranice Informacionog sistema on-line prijave i upis u srednje škole Kantona Sarajevo na osnovu konkursa za upis koji se objavljuje na internet stranicama i oglasnim pločama srednje škole, Ministarstva i u dnevnim novinama.

Informacioni sistema on-line upis se sastoji od dva glavna modula:

1. Javni dio sistema - početni dio sistema u formi portala koji je javno dostupan i vidljiv svim posjetiocima i
2. Zaštićeni dio sistema - glavni dio sistema predviđen za upravljanje konkretnim fazama vođenja procesa on-line upisa samo za ovlaštene korisnike.

3.1 Javni dio informacionog sistema On-line prijave i upis u srednje škole

Kako bi svi zainteresirani za proces provođenja on-line upisa u srednje škole imali pristup osnovnim informacijama o on-line upisu u srednje škole kreiran je javni dio informacionog sistema on-line upisa. Zvanične web stranice informacionog sistema on-line prijave i upis u srednje škole Kantona Sarajevo nalaze se na adresi upis.emis.edu.ba. (Slika br. 1). Osnovni cilj izgradnje portala sistema On-line prijave i upis u srednje škole je slobodan pristup svim zainteresiranim i mogućnost pregledavanja vijesti i događaja o on-line upisu u srednje škole Kantona Sarajevo.



Slika 1.

Javni dio informacionog sistema on-line prijave i upis u srednje škole

3.2 Prva prijava na www.upis.emis.edu.ba

Prvu prijavu na sistem www.upis.emis.edu.ba učenik vrši uz pomoć obrazovnog identifikatora (oID) učenika koja se nalazi na svjedodžbi o završenoj osnovnoj školi, a koju učenik preuzima nakon završetka 9. razreda osnovne škole i JMBG učenika. oID sa svjedodžbe učenik unosi u rubriku *Šifra*.

Prvi put dolazite?

Šifra učenika (OID)

JMBG učenika

Šifra/oID je obrazovni identifikator učenika iz EMIS sistema koji se nalazi na svakoj svjedodžbi i uvjerenju u gornjem desnom uglu, ispod broja u matičnoj knjizi.

Ukoliko na dokumentima nemate oID, molimo da kontaktirate Univerzitetski tele-informatički centar.

KREIRAJ NOVI KORISNIČKI NALOG

Slika 2. Prva prijava na sistem

Nakon unesene šifre i JMBG učenik kreira korisnički nalog te dobiva korisničko ime i lozinku sa kojom vrši prijavu na sistem.

ONLINE PRIJAVE I UPISI U SREDNJE ŠKOLE KANTONA SARAJEVO



Unesite podatke za vaš račun

Pozdrav Jako je važno da ispod navedete ispravne podatke. Broj telefona koji navedete će se koristiti za aktivaciju Vašeg računa i da Vas podrška Online upisa može kontaktirati u slučaju nekih problema.

Sretno na online upisu!

Korisničko ime*

15 / 64

E-mail*

Morate da unesete e-mail

0 / 256

Lozinka*

0 / 128

Ponovljena lozinka*

0 / 128

Broj mobitela (387 61000000)*

Broj mobitela mora biti ispravan

0 / 256

POTVRDI

ONLINE UPIS

Verifikacija

Poslali smo vam SMS sa verifikacijskim kodom na broj: 387
[Nije vaš broj telefona?](#)

Molimo da unesete kod kako biste verifikovali korisnički račun

Verifikacijski kod*

Polje je obavezno

Niste primili verifikacijski kod? [Pošalji ponovo](#) ili [Pošalji na email](#)

NASTAVI

Slika 3. Dodjela korisničkog imena i kreiranje lozinke

Potrebno je unijeti validne podatke. Prilikom unosa broja mobitela važno je unijeti ispravan format kao npr. 38761999999 radi SMS verifikacije. Unosom koda koji je stigao SMS porukom završava se proces registracije i verifikacije korisničkog računa.

Za dodatnu pomoć možete posjetiti internet stranicu <https://upis.emis.edu.ba/#/pomoc/podrska> na kojoj se mogu pronaći detaljna video uputstva koja korisnika vode kroz čitav proces online upisa.

Svaki kandidat prijavom na sistem treba provjeriti ispravnost korisničkog imena i lozinke kako bi, pokaže li se potrebnim, na vrijeme mogao dobiti nove podatke.

Nakon uspješne prijave učniku je vidljiva početna stranica i dostupna je opcija za pokretanje vodiča.

3.3 Provjera unesenih ocjena i ostalih podataka kandidata u sistemu

Kako bi se osigurala tačnost cijelog postupka rangiranja na programe obrazovanja, kandidati su dužni provjeriti lične podatke, ocjene iz osnovne škole, bodove sa eksterne mature te, ako ih posjeduju, rezultate takmičenja, kao i sve ostale upisane podatke koji se nalaze u sistemu.

Kandidati treba da pregledaju informacije (Lični podaci) koje su im vidljive, te ukoliko primjeti grešku da je prijave klikom na link "Podrška" koji se nalazi na izborniku.

Nakon toga slijedi korak Validacija uspjeha.

3.4 Preduslovi za upis

Neke srednje škole za prijavu ili upis u određene programe obrazovanja zahtijevaju ispunjavanje određenih preduslova, tj. polaganje prijemnih ispita. Kako bez ispunjenih preduslova nije moguće upisati određeni program obrazovanja, nužno je na vrijeme o njima se informisati na internet stranicama srednjih škola.

3.5 Prijava programa obrazovanja

Kandidati će se prijavljivati za upis i upisivati u I razred srednjih škola u školskoj 2020/2021. godini u prvom i drugom konkursnom roku.

Programe obrazovanja, odnosno srednje škole koje ih izvode, moguće je pretraživati prema zadanim kriterijima pretrage. Moguće je prilagoditi pretragu s obzirom na naziv škole, vrstu škole, naziv programa obrazovanja i slično.

Za svaki program obrazovanja moguće je pregledati detaljnije informacije koje sadrže opis programa, strukturu bodovanja, popis preduslova i ostale važne informacije o programu obrazovanja.

U prvom i drugom upisnom roku kandidat može odabrati najviše 3 programa obrazovanja.

Listu prioriteta treba pažljivo pripremiti tako da se na vrh liste postavi program obrazovanja koji se najviše želi upisati, a zatim i ostala dva izbora, željenim redoslijedom. U skladu sa tim, kandidat će se optimalno rasporediti na program obrazovanja koji mu je najviši na listi prioriteta, a za koji se, prema ostvarenim bodovima, nalazi u sklopu upisne kvote.

Programi obrazovanja koji se žele upisati, dodaju se na listu prioriteta koja se može promijeniti samo jednom prije konačnog finaliziranja izbora.

Važno je da kandidati provjere jesu li im svi programi obrazovanja na listi prioriteta poredani prema njihovim željama i mogućnostima jer nakon finaliziranja odabira programa obrazovanja odnosno škola, nikakve izmjene više neće biti moguće.

Važno je, također, da se na listi prioriteta nalaze samo programi obrazovanja koje kandidat zaista namjerava upisati. Postavljanje programa obrazovanja na listu prioriteta podrazumijeva ozbiljnu namjeru da se takav program i upiše.

3.6 Kontinuirano praćenje bodovnog stanja

Na internet stranici upis.emis.edu.ba prvog dana upisa od 19 h bit će moguće pratiti bodovno stanje za svaki prijavljeni program obrazovanja svakoga kandidata.

Ako kandidat nije zadovoljio potrebne predušlove za upis nekog od prijavljenih programa obrazovanja, navedeno će biti vidljivo na detaljnom prikazu bodovanja za prijavljeni program obrazovanja. Kandidat takve programe obrazovanja može obrisati sa svoje liste, ako ne postoji mogućnost zadovoljenja potrebnih predušlova i umjesto njih, još samo jednom, prijaviti druge programe obrazovanja.

3.7 Rang liste

Na web stranici upis.emis.edu.ba objavljuju se dnevne i konačne rang liste.

Dnevne liste odraz su trenutnog bodovnog stanja izračunatog na osnovu podataka koji su trenutno u sistemu. To znači da su podložne promjenama zbog unosa rezultata prijemnih ispita, prijave novih učenika, te promjena izbora programa obrazovanja. Dakle, dnevne liste se svakodnevno mijenjaju.

Dnevne liste obnavljaju se svakog dana u 19 h, pa je posljedicu promjene podataka ili redoslijeda na listi prioriteta moguće vidjeti tek kada se te promjene izvrše.

Kandidat će se naći na konačnoj rang listi samo jednog programa obrazovanja na kojem se nalazi u sklopu upisne kvote i to onog koji je najviši na njegovoj listi prioriteta. Kandidat ostaje na rang listama

višeg prioriteta na kojima se nalazi u sklopu upisne kvote, a na svim ostalim rang listama nižega prioriteta se ne prikazuje.

3.8 Zaključavanje liste prioriteta, potpisivanje prijava, objava konačne rang liste

Lista odabranih programa obrazovanja zaključava se svim kandidatima na predviđen datum, ovisno o upisnom roku.

Trenutkom objave konačnih rang lista, kandidati stiču pravo upisa u program obrazovanja najvišeg prioriteta u kojemu se nalaze u sklopu upisne kvote. Konačne rang liste više se ne mijenjaju.

Svi kandidati prijavu za upis štampaju sami iz sistema on-line upis.

Kandidat svoj upis potvrđuje vlastoručnim potpisom i potpisom roditelja/staratelja na prijavi za upis dostupnoj na internet stranici www.upis.emis.edu.ba, koju je dužan dostaviti u srednju školu u kojoj je ostvario pravo upisa do predviđenog roka.

Nakon što kandidat potvrdi svoj upis vlastoručnim potpisom i potpisom roditelja/staratelja na prijavi za upis i dostavi je srednjoj školi, zajedno s ostalom potrebnom dokumentacijom, kandidat je upisan u I razred srednje škole u školskoj 2021/2022. godini.

4. Naknadni upisni rok

Kandidati koji ne ostvare pravo upisa u prvom upisnom roku, mogu se prijaviti za upis u drugom konkursnom roku.

Ministarstvo raspisuje drugi konkurs za škole koje ne popune planirana mjesta u prvom konkursnom roku, u skladu sa Planom upisa.